

PČELICA U POTRAZI ZA PRIJATELJSTVOM

Jedna usamljena pčelica bila je u potrazi za prijateljem. Mahala je krilima, letjela i letjela, dok ne sretnu jednog nježnog dragog leptira. Čim su se pozdravili, počeo upoznavanje i razgovor. - Ja sam pčelica. Tražim prijatelja. Leptiricu nježni, hoćeš li se igrati sa mnom?

Leptir joj odgovori: - Ako postanem tvoj prijatelj, možemo se posvađati dok se igramo. Da li bi me ubola?

Pčelica je bila iskrena: - Pa to je bar jasno. Ubola bih te svojim oštrim žalcem!

Mali leptir na njene riječi zakuka: - Ne, ne, ne. Ne želim biti tvoj prijatelj. Bježim od tebe.

Pčelica ostade tužna i usamljena. Polako je nastavljala svoju potragu, nadajući se prijatelju. Letjela je i letjela. Napokon stiže do male, dražesne bubamare.

Pozdraviše se i započe upoznavanje.

- Ja sam veoma usamljena. Tražim iskrenog druga ili drugaricu. Hoćeš li se igrati sa mnom?

Mala bubamara je pitala: - Ako postanemo prijateljice i u igri se posvađamo, hoćeš li me ubosti svojim žalcem?!

Pčelica je bila iskrena: - Pa to je sasvim jasno. Ubola bih te.

Bubamarica se naljuti: - Ne, ne, ne. Neću se družiti s tobom. Bježim od tebe.

Zamahnu svojim krilima i nestade u daljini. Mala pčela uzdahnu sva ožalošćena i usamljena. Bila je tužnija, jer se osjećala malenom i odbačenom. Da ne bi zaplakala, zamahnu krilima i poletje nastavljajući svoju potragu.



PČELICA U POTRAZI ZA PRIJATELJSTVOM 2.

Letjela je i letjela naša pčelica u potrazi za prijateljstvom i tako stiže do jedne velike livade prekrivene mnoštvom cvijeća. Među cvijećem se posebno isticao veliki žuti cvijet. Dolete do njega i sjede na njegove latice. Tužna spusti svoja krila i klonu bez riječi. Cvijet je pozdravi i upita: - Dragi pčelice, reci mi zašto si tako žalosna?

Pčelica odgovori: - Ah, nemam nijednog prijatelja!

Cvijet nastavi: - Hoćeš li se igrati sa mnom? Želiš li biti moja prijateljica?

Pčelica se tužno osmjehnu i stidljivo reče: - Naravno da bih željela biti tvoja prijateljica! Zašto to ne bih željela?! Ali, ti moraš znati da ja imam veoma oštar zalogaj.

Cvijet je upita zbunjeno: - Naravno da znam! Ali, ne razumijem: kakve to ima veze sa mnom?

Pčelica tužno objasni: - Ako se posvađamo u igri, mogu te ubosti!

Cvijet se i dalje čudio: - Pa dobro, ubodi! Šta ima veze?!?

Pčelica je bila iznenađena: - Pa zar se ti nimalo ne bojiš?

Cvijet se raspoloženo smijao: - Ne, ne bojim se! Zato što ćeš se napiti mog soka i od njega napraviti ukusan, sladak med!

Pčelica poletje u zrak od sreće: - Ti si moj najbolji prijatelj i igrati ćemo se zajedno!

Potom se nastaviše radovati i igrati.



(s perzijskog prevela: Senka Bešlić)

CVIJET I BUBAMARA



SLIKOVNICA LEPTIR I MRAV

https://issuu.com/valentinadominic/docs/pp_papuk_slikovnica_leptir_i_mrav